

民國十五年以前之
蔣介石先生十八

根據臺北市文保會藏本復印

一九九二年九月

第八編五

北伐開始時期

民國十五年四月十歲十月

第八編 北伐開始時期

民國十五年卽四十歲

十月一日公五時後起牀擬電稿數通以

昨晚得程軍長在南昌敗報決於今晨向

高安挺進八時出發下午五時至太陽墟

途次思索戰局非力摧孫逆主力不能結

束贛事也自是南路公親自指揮由高安

猛攻南昌北路歸白崇禧指揮由武寧再

襲德安

電告鄧演達此次總攻贛北定獲最後勝利。電曰漢口鄧主任勛鑒江西交通困難各部動作參差以致南昌得而復失今各部佔領奉新高安新淦之線明日可克樟樹以樟樹附近敵軍只留殘部其主力退向南昌撫州也。本軍決於五六兩日總攻南潯線與南昌城務催第七軍同時進

攻九江爲要。逆軍已陷於進退維谷地位。本軍集中兵力。共同一致。則最後勝利。定操勝算。中定本日進駐高安。寧孫或以我軍南昌之失。而復猖獗。然我各軍主力。未動。而第十九師。略受一部分之損失而已。如其代表尚在漢。態度如何。希詳復中正東。

電賀耀組。遵前令。向九江疾進。歸李軍長。

指揮

復上海各路商界總聯合會籲請和平電
電曰梗代電悉仁言利溥良深嘉慰頻
年戰事循環饑饉載道人民元氣斲喪無
餘內亂不已外侮迭乘毒國殃民於斯爲
極要皆由帝國主義者之所驅使萬惡軍
閥之所釀成吳佩孚迷信武力尤肆兇殘
膏血盈野紀諸載籍來電所謂人民涕淚

相視已非一日者豈不信然政府爲求完
成先總理之遺志實現真正之和平起
見出人民於水火奠國家於磐石師以義
動聲罪致討浹旬之間驅除大憝聯合民
衆消茲亂源黨旗所指萬庶欣心熱烈歡
迎出於至誠此非可以豪取也用是奮發
貫澈初衷祇期掃除障礙皆可開誠相
不獨對寧方不存對敵之心已也非

城略地之故技何來好戰嗜殺之忍心政
府目的以人民利益所在爲歸宿君等主
張要視寧方同情和平與否爲依歸倘使
彼同情和平使國民會議得以早日產生
解決國是則會議開幕之日卽人民解放
之時主張貫徹所願已償尙復何求披誠
以復亮譽爲幸國民革命軍總司令蔣中

正東

劉玉春躬率武昌城內殘敵分道突圍。被我軍擊回。

公曰。政治。勢如亂絲。令人觸緒心煩。

二日上午六時後。公由太陽墟出發。中途

接嘉倫將軍報告。知萬壽宮與祥符觀之

間。前日以來。戰鬪甚烈。而第一師不守奉

新。退至羅坊。王副軍長及繆黨代表。避未

見面。憤然曰。『此皆余用人不當。計畫多

疏平時不能專心訓練戰時不能熟慮斷
行以軍隊爲應酬以戰陣爲等閒雖欲不
敗烏得而不敗以後作事應以第一意思
爲準不可輕易放過也」正午抵高安城
下午致戴傳賢電

稿佚

晚公得報第三軍突破萬壽宮正面之敵
俘僞司令二名擊斃一名奪獲無算士氣
爲之一振

三日晨復電汪兆銘請再出共荷艱鉅

電曰張譚二主席鈞鑒請轉汪主席鈞鑒

弟不學無狀致獲罪左右刻奉手教撝抑

誠摯令人讀之益增汗顏本黨使命前途

非兄與弟共同一致始終無間則難望有

成兄放棄一切置弟不顧累弟獨爲其難

於此兄可敝屣尊榮豈能放棄責任與道

義乎耿耿至今當能鑒其愚忱而諒其無

他也茲特請靜江石曾二兄前來勸駕代
達鄙意并乞偕來共荷艱鉅使弟有所遵
循不致延誤黨國是所至禱中正叩江
電復李富春囑擬江西政治具體計畫

電曰清江一帶探送第二軍李副黨代表
富春勛鑒陷電藉悉所舉極稱中意將來
江西政治中擬照湖北辦法組織江西政
務委員會各軍政治部均須派人參加爲

委員希先計擬具體計畫以供採納無任
企盼中正江印

八時公由高安出發午後到奉新探敵蹤
若有若無而以急於見第一師故不恤冒
險且料敵必無能攻我也

電告李宗仁總攻擊情形並希速向前進
電曰銅鼓李軍長勛鑒感電悉（一）我
賴軍及譚師於敬日將吉安蔣鎮臣部擊

破現賴軍正向永豐撫州方面追擊前進

(二)樟樹之敵現以第一軍劉師在清江附近二軍當正面第二軍全部在峽江附近渡河抄襲樟樹側背俟二軍接近時劉師卽由正面渡江夾擊此敵預計本日可克樟樹樟樹克復卽沿江右岸而下進取南昌(三)我第六軍十九師於上月皓日進佔南昌因後續部隊之未能如期而至

兼以盧香亭由九江南下。增兵反攻。鄧如琢抽調樟樹之部馳援。十九師遂於漾日將南昌暫時放棄。(四)現時我第六軍及第一軍一師在奉新附近準備反攻。我第三軍與敵在萬壽宮附近東南西南之弧線上激戰已數日矣。昨暮今午第七師抄出萬壽宮側背。敵猝不及防。當場擒獲偽司令二員。擊斃一員。幕僚數十員。士兵千

餘名繳械千餘現俟二軍解決樟樹後進
取南昌卽沿南潯路攻擊前進(五)貴部
希解決當面之敵後卽迅速向九江攻擊
前進(六)中正昨抵高安今赴奉新視察
一切後仍回高安健生兄今日赴樟樹視
察卽隨二軍前進蔣中正江午發於高安
電飭朱芾迅發第二師軍需 電曰長沙
總司令部朱處長鑒獨立第二師前進在

卽所需軍餉子彈服裝等。曾迭電令該處
長發給。乃竟未得復電。不知是否辦妥。着
查照前令。迅予發給。勿延干咎。再該師前
進時。着設兵站以利運輸。仰卽遵照辦理。
電復爲要。總司令蔣江午於高安。

電復唐生智李宗仁屬向各方接洽。電
曰。漢口唐總指揮大冶興國追送李軍長
勛鑒。孟瀟兄皓申電悉。奉天方面。前在長